



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XI.

urn:nbn:de:hbz:466:1-15617

corum conventibus in regno & dominio nostro constitutis, eternam in Domino salutem. Regi Regum, per quem Reges regnant, reverentiam debitam exhibentes, & sponsa ejus sancte videlicet Ecclesiae, integram libertatem conservare volentes, pessimam conuentudinem a nobis haec tenus obseruatam, qua electionem Praetorium sine nostro consilio & assensu procedere non permittebamus, amore Dei & sancte Ecclesiae, & pro remedio animarum nostrarum & parentum nostrorum, relaxamus; vobisque & universis successoribus vestris & conventibus in omni iurisdictione nostra constitutis liberam eligendi facultatem per nos & per omnes successores nostros, assensu regio minimè requisito, in perpetuum indulgimus. Hoc solum nobis & successoribus nostris reseruant, ut liberè & canonice electus, in signum regiae fidelitatis nobis & successoribus nostris debet presentari. *N* O *S* igitur devotionem regiam in Domino commendantes, & approbantes in hac parte statutum ipsius, illud auctoritate apostolica confirmamus, & presentis scripti patrocinio communimus. Nulls ergo omnino hominum licet hanc paginam nostra conformatio[n]em infringere, vel ei au[tem] temerario contrarie. Si quis autem hoc attentare presumpserit, indignationem omnipotentis Dei & beatorum Petri & Pauli Apostolorum ejus se noverit accusatur. Datum Corneti I I. Kal. Novemb[ris], pontificatus nostri anno decimo.

Post Innocentij tamen pontificatum, Ferdinandus Rex Castellar[um] contendebat Episcopos eligi non posse absque assensu regio; ut colligunt ex epistola Honorij IIII ad Episcopum Burgensem, quæ exstat in quinta collectione Decretalium, Titulo de restitutione spoliatorum.

C A P V T XI.

Synopsis.

I. *Carolus Martellus episcopatus pro arbitrio dabat. Lux tamen quadam electionis affulsi per illas tempestates.*

II. *Tum laici fruebantur episcopatibus; ob summam vivendi licentiam. Quia de re Zachariam Pontificem graviter monuit Bonifacius Archiepiscopus Moguntinus. Principia vero mali labes sunt Ecclesia Remensi, qua per multos annos sine Episcopo fuit.*

III. *Sub Carlomanno, Martelli filio, instituti Episcopi Principis arbitrio, cum consilio Episcoporum & procerum. Quia de re Francis gratulatur Papa Zacharias in epistole ad eos data.*

IV. *Idem prouersus alcum est a Pippino, Carlomanni fratre, in parte regni que imperio ejus subserbat. quia de re ad Zachariam resultu. Is vero letabundus, ejus acta laudavit.*

V. *Lupus Ferriensis dicere videtur Pippinum na egisse ex privilegio sibi indulto à Zacharia. Sed verba ejus intelligenda sunt de ratiabilitate Zachariae, non autem de mandato aliquo antecedenti. Bonifacius Moguntinus agnoscet Principum in hoc electionum negotio autoritatem.*

VI. *Pippinus, post adeptum regnum, cunctem ordinem tenuit in constituendis Episcopis.*

I. **N**EUNTE autem seculo octavo, cum Dux Francorum Carolus cognomo Tom. II.

mento Martellus omnia bona ecclesiastica invasisset, episcopatus quoque pro arbitrio tradebat. Attamen inter densas illas tenebras electionis lux quædam affulsi in Aurelianensi civitate anno D C X V I I. quando Eucherius illi Ecclesiae praefectus est. *Quippe omnis ejus loci plebs congregata, inquit auctor vita ejus, ad Carolum inclivum Francorum Principem legatos cum munib[us] & humili prece mittit, pro Eucherio felicet. Ille disponente Domino ratum habuit quod ab eo humilius poscebant.*

II. Piget sequentis temporis turpitudinem patefacere, quando nulla in Episcopis dignitas, nulla in Ecclesiis disciplina, sed in rerum civilium perturbatione, ecclesiastici quoque ordinis sola vigebat deploranda confusio; adeo ut laici episcopatibus fruerentur. Quia de re Zachariam Papam mouuit Bonifacius his verbis anno septingentissimo quadragesimo secundo. *F*ranci, ut seniores dicunt, plusquam per tempus octoginta annorum synodus non fecerunt, nec Archiepiscopum habuerunt, nec Ecclesie canonica iura alicubi fundabant vel renovabant. Modò autem maxima ex parte per civitates episcopales sedes traditæ sunt laici ad possidendum, vel adulteratis Clericis, scortatoribus, & publicanis seculariatur ad perfundendum. Hæc pernicioса dilapidatio affixit præcipue Ecclesiam Remensem, quæ tunc & postea per multos annos sine Episcopo fuit, & res Ecclesie de illo episcopatu sumi ablata, & per laicos divisa, sicut & de aliis episcopatibus, ut loquitur Hadrianus primus in privilegio dato Ecclesie Remensi apud Flodoardum. Addit autem Bonifacius Carlomanum Ducem Francorum cogitare de synodo congreganda; ut quæ collapsa est vel potius, ut ille loquitur, calcata & dissipata religio possit in aliquo corrigi & emendari; petique à Zacharia ejus habendi Concilij licentiam, quam iste libentissimè concedit.

III. Carlomannus vero statim Concilium coegerit in Germania, praesente Bonifacio Legato Papæ: cuius acta confirmata sunt in frequentiore synodo habita apud Liptinas anno septingentissimo quadragesimo tertio. Primo autem prioris illius synodi canone (pulsis, ut par erat, laicis ab episcopatum possessione, imò vero & infamibus Clericis, qui redditus suos faciebant) docet Carlomannus se per civitates ordinasse Episcopos per consilium sacerdotum, religiosorum, & optimatum suorum, & constituisse super eos Archiepiscopum, qui est Missus sancti Petri. Hacque ratione ecclesiastica disciplina emergere coepit ex priori colluvie, constitutis scilicet Episcopis juxta edictum Clotarii

Eee

Regis & formulas quæ sunt apud Marculfum, id est, Principis arbitrio, cum sacerdotum & procerum consilio. Qua de synodo, post missam relationem à Bonifacio, Francis gratulatur Zacharias epistola ad eos data, quæ habetur libro quinto Capitularium capite primo. At verò in epistola data ad Bonifacium ait actam synodum *mediantis Carlomanu & Pippino excellentissimis filiis nostris juxta nostrarum syllabarum commonitionem, peragente nostras vices tua sanctitate.*

IV. Non omisit quoque Pippinus ad eundem Pontificem referre quæ à se de consilio Episcoporum constituta erant in Concilio Suescionensi anno DCCXLIV, ubi profiteretur canone secundo se constituisse Episcopos per consilium sacerdotum & optimatum, & super eos Archiepiscopum Abel. At verò latabundus hæc illi & Episcopis Zacharias rescripsit: *Gaudio magno gaudemus in Domino, addiscentes per relationem sublimissimi atque à Deo servati predilecti filij nostri Pippini vestram omnium bonam conversationem, & quod ut in bonis & Deo placitis dispositionibus unanimes & cooperatores esitis. Quamvis ejectus postea fuerit Abel ab episcopatu Remensi per summam injuriam, teste Hadriano in superiori privilegio.*

V. Quare quod Luper Abbas Ferrarenis epist. lxxxii. scripsit de facultate concessa Pippino à Zacharia, ut delectos à se laudabilis instituti viros Ecclesiis vacantibus Episcopos præficeret, referri debet ad ratihabitionem Zachariæ, de qua jam locuti sumus, potius quam ad mandatum aliquod antecedens, cuius nulla memoria extat inter epistolas illius Pontificis ad Gallos & ad Bonifacium datas. Hæc sunt Lupi verba: *Nam Pippinus, à quo per maximum Carolum & religiosissimum Ludovicum Imperatores duxit Regem originem, exposita necessitate hujus regni Zacharie Romano Pape, in synodo cui martyris Bonifacius interfuit, ejus accepit consensum, ut acerbatai temporis, industria sibi probatissimum, decadentibus Episcopis, mederetur. His verbis respexit synodus Liptinensem, cui vice Papæ Bonifacius interfuit: in qua Carolumannus suo & Pippini fratris nomine, qui Dux erat quoque ac Princeps Francorum, constituit Episcopos. Hæc quippe synodus, teste Zacharia, Pippini & Carolumanni studio acta est. Præterea quod geri incepit in Liptinensi Concilio de constituendis Episcopis, perfecit Pippinus in Suecionensi. Quod acceptum quoque fuit Summo Pontifici, qui laudabili Principum opera Episcopos præfici Ecclesiis in commodum fidelium, non autem laicos illorum redditibus frui in religionis ipsius perniciem, ut antea,*

Vide Notas Baluzij ad Epist. 81.
Lupi Ferrar. & in
appendice eamdem Nostrarum.

perspiciebat. Sanè Bonifacius agnoscebat Principum in hoc electionum negotio auctoritatem. Quippe satagens de successore sibi in Ecclesia Moguntina deligendo, cuius rei sibi gratiam fieri à Zacharia petebat, addit hoc fieri tamen non posse si *Principis contrarius fuerit* in epistola ad Zachariam data anno septingentesimo quadragefimo primo.

V. Quam deinde formam secutus fuerit Pippinus in regnum evectus, inquirere superfluum videtur. nec enim à semel assumpta auctoritate recessit. Quod insinuat in Concilio Vernensi anno DCCLV. canone secundo, ubi ait se constituisse Episcopos qui vicem Metropolitanorum agerent.

C A P V T XII.

Synopsis.

I. Transmissam ab avis ad se potestatem exercuit Karolus Magnus. Hadrianus primus probare videatur interventionem Principis in constituentibus Episcopis.

II. Carolus Magnus non renunciavit huic iuri, tamquam antiquos canones obseruari jussit. Nihil interim turbarum excitatum est ob electiones Episcoporum.

III. Suspicari posset aliquis eum neglexisse iura electionum, auctoritate synodi Romanae fulum. Hanc synodum falsam esse scriptis Baronius. Primus omnium Siegeritus mentionem illius fecit.

IV. Referuntur duo principia argumenta quibus unius Baronius ad convincendam falsitatem hujus Concilii.

V. Tertium argumentum à Baronio allatum, parvus momenti est; eique nullo negotio responderi potest.

VI. Refellitur quartum illius argumentum.

VII. Fallitur Baronius, cum existimat vocem Investiture nondum fuisse repertam aeo Caroli magni.

VIII. Sextum argumentum robustum est. Petitur autem ex Romani Pontificis electione.

IX. Falsitas ejusdem synodi tribus aliis argumentis probatur, que sunt magna momenta.

X. Attamen licet de falsitate hujus synodi constet, impostor dici non potest Siegeritus. Laudare enim hujus rei auctorem potest Leonem octavum sedis apostolica invasorem. Sed hanc auctoritatem falsi quoque arguere nititur Baronius, irruo conatus.

XI. Siegeritus epocham sive temporis consignationem addidit de suo, itemque numerum Episcoporum & Abbatum.

I. **T**RANSMISSAM ab avis ad se potestatem exercuit Carolus magnus. Invasas enim à laicis possessiones episcopatus Remensis, sede illa per aliquot annos vacante, restitui curavit Tilpino, quem illi Ecclesiæ præficerat, & ab Hadriano Pallium illi concedi postulaverat, ut patet ex Privilegio superius laudato; in quo Papa probare quoque videtur Principis interventionem in constituendis Episcopis. Quippe idem Ha-